

賈島長江集

自一至三

他見必不許

特
~18
4849
1



特研圖書
MC (29) 735
30. 1. 20
大野 敬授

^18
4849
1



賈島集

雒陽書林

柳枝軒藏版



賈島集



賈島紀事



新唐書云字浪仙范陽人韓門弟子也初為浮屠名
 無本來東都時雒陽令禁僧午後不得出島為詩自
 傷愈憐之因教其為文遂去浮屠舉進士當其苦吟
 雖逢值公卿貴人皆不之覺也一日見京兆尹跨驢
 不避諱詰之久乃得釋累舉不中第文宗時坐飛謗
 貶長江主簿會昌初以普州司倉參軍遷司戶未受
 命卒年五十六○唐詩紀事云島赴舉至京騎驢賦
 詩得僧推月下門之句欲改推為敲引手作推敲之

賈島紀事

勢未決不覺衝大尹韓愈乃具言愈曰敵字佳矣遂
並レ纒論詩久之或云吟落葉滿長安之句唐突大尹
劉栖楚被繫一夕放之○蘇絳誌云會昌癸亥歲七
月二十八日終于郡官舍春秋六十本傳不合無子○外
紀云島為僧時居法乾寺雒陽令不許僧午後出寺
島有詩云不如牛與羊猶得日暮歸一日宣宗微行
至寺聞鐘樓上有吟聲遂登樓于島案上取詩覽之
島攘臂睨之曰郎君何會此耶遂奪取詩卷帝慚下
樓去既而島知之亟謝罪乃賜御札後除為長江簿

○全唐詩話云浪仙能詩獨變格入僻以矯艷于元
白久不第吟病蟬之句以刺公卿或奏島與平曾等
為十惡逐之大中末授遂州長江簿初之任屆東川
守者厚禮之島獻感恩詩曰匏革奏終非獨樂軍城
未曉啟重門何時却入三台貴此田空知八座尊羅
綺舞間紀事收雨點貔貅闔外卷雲根遂遷屬吏隨
賓列撥棹扁舟不忘恩至老無子因啖牛肉得疾終
千傳舍又云晉公度初立第千街西興化里鑿池種
竹起臺榭島方下第或以為執政惡之故不在選怨

憤題詩曰破却千家作一池不栽桃李種薔薇薔薇
花落秋風起荆棘滿庭君始知皆惡其不遜○藝文
志云長江集十卷又小集三卷

臨安府睦親坊南棚前北陳宅書籍鋪印

賈島紀事終

賈浪仙長江集目錄

范陽賈島浪仙

第一卷

- | | |
|-----|------|
| 古意 | 望山 |
| 北嶽廟 | 朝飢 |
| 哭盧仝 | 劍客 |
| 口號 | 寄遠 |
| 齋中 | 感秋 |
| 翫月 | 辭二知己 |

義雀行

辯士

絕句

遊仙

獲魚謠

早起

寓延壽里精舍

送沈秀才

見終南雪

宿懸泉驛

不欺

寓與

枕上吟

易水懷古

客喜

贈智朗禪師

酬栖上人

第二卷

寄孟協律

懷獸狐崇魚珠

詠韓氏二子

詣張籍韓愈

重酬姚少府

代邊將

寄丘儒

送張校書季霞

和劉涵

投張太祝

送別

上谷送客

投孟郊

寄劉栖楚

送陳商

寄友人

答王參

戲贈友人

懷鄭汝志

送鄭山人

劉景陽東齋

送集文上人

游子

送汲鵬

延康吟

寓興

登龍興寺樓

就峯公宿

對菊

題岸上人閑居

寄王參

第三卷

寄令狐相公

山中道士

放遊

題藍田廳

下第

憶吳處士

送崔寔

宿劉司馬池上

送田卓入華山

哭柏巖禪師

就可公宿

送鄒明府遊靈武

贈王將軍

寄賀蘭朋吉

哭孟郊

寄白閣黔公

送朱可久歸越中

送董正字常州觀侍

酬姚少府	送無可上人
送李騎胃	送烏行中
送覺興上人	寄無可上人
南池	寄貞空二上人
送貞空二上人	送裴校書
寄姚合	即事
上韓吏部	題天津橋南山
投李益	弔孟協律
送人適越	送僧遊衡岳

送路
江亭晚望

道中寄弟
送耿處士

第四卷

過唐校書之齋	送杜秀才
送天台僧	懷嵩閣隱者
懷皇甫荀	秋暮
哭胡遇	送丹師歸閩中
送惟鑒法師	題李疑幽居
送韓湘	寄董武

宿贊上人房

訪李甘原居

題山井寺

無可上人相訪

送李餘及弟歸

荒齋

喜賀蘭三見訪

題鏡公房

送陳判官

送唐瓌

喜唐溫琪頻至

送敬法師

寄錢庶子

原上秋居

復夜

冬夜

送厲宗上人

寄李存穆

贈無懷禪師

寄姚主簿

題劉華書齋

送盧秀才

送姚明府

送友人游江左

雨中懷友人

寄遠

南齋

題友人新居二首

第五卷

送雍陶入蜀

張郎中過原東居

答王秘書

送李餘

偶作

過雍秀才居

寄顧非熊	送神邈法師
送霄韻法師	送知興上人
送惠雅法師	憶吳處士
題章博士新居	留辭從叔驀
送朱兵曹	懷博陵故人
夕思	寄楊少尹
孟融逸人	晚晴見終南諸峯
宿池上	喜姚郎中迴
送鄭史	送李湜

和楊鄭州	題長江
泥陽館	送徐員外
送賀蘭上人	寄令狐相公
寄李尚書	逢舊識
崇聖寺斌公房	送李傅侍郎
別徐明府	送友人歸襄陽
送友人遊蜀	送鄭少府
子規	送僧歸天台

第六卷

上樂使君

贈友人

送雍陶及弟歸

謝令狐相公賜衣

送鑿周上人

送譚遠上人

新年

送姚杭州

送僧

夜集田卿宅

寄長孫栖嶠

訓厲玄

送劉式

送空公

贈紹明上人

贈弘泉上人

送宣皎上人

病起

送殷侍御

送沈鶴

懷錢益二公

贈李金州

酬姚校書

送獸狐馬二秀才

病蟬

青門里作

盧秀才南臺

寄李翰侍御

寄令狐相公

再投李益

積雪

過揚道士居

贈僧

送友人游塞

思遊邊友人

秋暮寄友人

寄令狐相公

和孟逸人

宿姚少府北齋

雪晴晚望

第七卷

送崔嶠

寄朱錫珪

馬戴居華山因寄

寄胡遇

送李戎

送孫逸人

寄華山僧

送李登

過郝逸人居

訓李廓

與李廓同宿

送南卓歸京

訓韓愈書問

長孫霞李溟見訪

送惟一

鄭尚書新開涪口

寄喬侍郎

送去華法師

送蔡京

慈恩寺上座院

題朱慶餘所居

送黃知新

贈胡禪師

元日女道士受籙

重與彭兵曹

贈莊上人

逢僧伯陽

贈皇甫主簿遊山

宿成湘林下

喜雍陶至

訓胡遇

宿郁公房

送褚山人

寄韓湘

雨夜寄馬戴

喜無可上人迴

寄毗陵徹公

送韋校書

寄劉侍御

第八卷

送穆少府

留別鄆中友人

二月晦

送李校書

宿狐館

哭宗密禪師

宿山寺

送友人知邊

題竹谷上人院

京北原作

寄江上人

送僧歸太白山

暮過山村

鷺鶯

內道場僧弘紹

蔣亭和蔡湘州

光州王使君水亭作

留別王使君

宿姚合宅寄張司業

哭張籍

靈巖上人院

寄柳舍人

送玄巖上人歸西蜀

寄宋州田中丞

送朱休歸劔南

寄長武朱尚書

送皇甫侍御

郊居即事

夜集姚合宅期可公不至

喜李餘自蜀至

王侍御南原莊

送康秀才

送僧

寄魏少府

原居即事言懷

登樓

上樂使君救康成公

昆明池泛舟

送僧

送劉知新

寄慈恩寺郁上人

送饒州張使君

觀冬設上揚尚書

第九卷

巴興作

早蟬

投元郎中

阮籍嘯臺

滕校書院小池

送陝府王司馬

上谷旅夜

寄無得頭陀

雙白鷺

送胡道士

寄韓潮州

酬張籍王建

逢故人彭兵曹

贈牛山人

送于中丞

送劉侍御重使江西

贈圓上人

贈李使君

酬文郁上人

訪鑒玄師姪

夜坐

送別

聞蟬感懷

夔夜上谷宿開元寺

送于摠持歸京

崔卿池上鶴

田中丞高亭

友人婚楊氏催妝

訓朱侍御望月

題韋雲叟草堂

和韓愈泛南溪

方鏡

訓姚合

送靈應上人

贈丘先生

渡桑乾

夜期嘯客不至

夜集烏行中所居

贈梁浦班竹枝

尋石甕寺上方

第十卷

秋寄題靈隱寺

黎陽寄姚合

送崔約秀才

詠懷

宴日寄高洗馬

送周判官元範赴越

送羅少府歸牛渚

題童真上人

贈溫觀主

賀龐少尹

除太常少卿

上邠寧邢司徒

欲遊嵩岳留別李益

病鵲吟

贈僧

贈翰林

頌德上賈常侍

田將軍書院

投龐少尹

寒夜登南樓

題青龍寺

贈李文通

贈虢州三堂吳郎中

送僧

三月晦日贈劉評事

送張道者

題魚尊師院

宿杜家亭子

送稱上人

楊秘書新居

聽樂山人彈易水

經蘇秦墓

題戴勝

題隱者居

哭孟東野

過京索先生墳

客思

塩池院觀鹿

賈浪仙長江集目錄終

賈浪仙長江集

賈浪仙長江集卷第一



古意

范陽

賈

島

浪仙



碌々復碌々百年復轉轂志士中夜心良馬白日足
俱為不等閑誰是知音日眼中兩行淚曾弔三獻玉
望山

南山三十里不見踰一旬冒雨時立望之如朋親
虬龍一掬波洗蕩千萬春日雨不斲愁殺望山人
天事不可長勁風來如奔陰霆一以掃浩翠富國門
長安百萬家家張屏新誰家最好山我願為其鄰

北嶽廟

天地有五嶽，恒嶽居其北。巖巒疊萬重，詭怪浩難測。
人來不敢入，祠宇白日黑。有時起霖雨，一灑天地德。
神兮安在哉，永康我王國。

朝飢

市中有樵山，此舍朝無烟。井底有甘泉，釜中乃空然。
我要見白日，雪來塞青天。坐聞西林琴，凍折兩三絃。
飢莫詣他門，古人有拙言。

哭盧仝

賢人無官死，不親者亦悲。空令古鬼哭，更得新鄰比。
平生四十年，惟著白布衣。天子未辟召，地府誰來追。
長安有交友，託孤遽弃移。塚側誌石短，文字行參差。
無錢買松柏，栽自生蒿草。枝在日贈我，文淚流把讀時。
後茲加敬重，深藏恐失遺。

劍客

十年磨一劍，霜刃未曾試。今日把似君，誰為不平事。
口號
中夜忽自起，汲此百尺泉。林木含白露，星斗在青天。

寄遠

別腸多鬱紆，豈能肥肌膚。始知相結密，不及相結疎。
疎別恨，應少密離恨。難祛門前南流水，中有北飛魚。
魚飛向北海，可以寄遠書。不惜寄遠書，故人今在無。
況此數尺身，阻彼萬里途。自非日月光，難以知子軀。

齋中

耽靜非謬為，本性實疎索。齋中一就枕，不覺白日落。
低扉礙軒轡，寡德謝接諾。叢菊在牆陰，秋窮未開萼。
所餐類病馬，動影似移獄。欲駐迫逃衰，豈殊辭纒縛。

已見飽時雨，應豐蔬與菓

感秋

商氣颯已來，歲華又虛擲。朝雲藏竒峯，暮雨灑疎滴。
我蜩嘿涼葉，數蛩思陰壁。落日空館中，歸心遠山碧。
昔人多秋感，今人何異昔。四序馳百年，玄髮坐成白。
喧々徇聲利，擾々同輟跡。儻無世上懷，去偃松下石。

翫月

寒月破東北，賈生立西南。西南立倚何，立倚青々杉。
近月有數星，々名未詳諳。但愛杉倚月，我倚杉爲三。

月乃不上衫上衫難相參昭聘子細視睛瞳桂枝剗
 目常有熱疾久視無煩炎以手捫衣裳零露已濡露
 久立凍足凍時向股腔淹立久病足折兀然齧膠黏
 他人應已睡轉喜此景恬此景亦胡及而我苦淫耽
 無異市井人見金不知廉不知此夜中衆人同無厭
 待得上頂看未擬歸枕函強步望寢齋步々情不堪
 步到竹叢西東望如隔簾却坐竹叢外情思到幽潛
 量知愛月人身願化為蟾

辭二知己

一嘆千歲鶴立別孤翔鴻波島忽已暮海雨寒濛々
 離人聞美彈六與哀彈同沈茲切々弄繞彼行々躬
 雲飛北嶽碧火思西山紅何以代遠誠折芳臘雪中

義雀行和朱評事

玄鳥雄雌俱春雷驚蟄餘口銜黃河泥空即翔天隅
 一夕皆莫歸曉々遺衆鷗雀抱人義哺食勞劬々
 鷗既遙迤飛雲間聲相呼燕感雀深恩雀愧揚不殊
 禽賢難自彰幸得主人書

宿懸泉驛

曉行瀝水樓暮到懸泉驛林月值雲遮山燈照愁寐

辯士

辯士多毀譽不聞談已非猛虎恣殺暴未常鬻妻兒
此理天所感所感當問誰求食飼鷓鴣吐出美言詞
善哉君子人揚光掩瑕玳

不欺

上不欺星辰下不欺鬼神知心兩如此然後何所陳
食魚味在鮮食藟味在辛掘井須到流結交須到頭
此語誠不謬敵君三萬秋

絕句

海底有明月圓於天上輪得之一寸光可買千里春

寓興

莫居暗室中開目閉目同莫趨碧霄路容飛不容步
暗室未可居碧霄未可趨勸君跨仙竹日下雲為衢

遊仙

借得孤鶴騎高近金鳥飛掬河洗老貌照月生光輝
天中鶴路直天盡鶴一息歸來不騎鶴身自有羽翼
若人無仙骨芝朮無煩食

枕上吟

夜長憶白日，枕上吟千詩。何當苦寒氣，忽被東風吹。冰開魚龍別，天波殊路岐。

雙魚謠

時韓職方書中以孟常州簡詩見示

天河墮雙魚，勦飛我庭中央。掌握尺餘雪，劈開腸。有瑣見，今謔舌短，烹遠鄰舍香。一得古詩字，與玉含異藏。

易水懷古

荆卿重虛死，節烈書前史。我歎方寸心，誰論一時事。至今易水橋，寒風兮蕭。易水流得盡，荆卿名不泯。

早起

北客入西京，北鴈再離北。秋寢獸前興，天梭星落織。耽翫餘恬爽，顧眄輕痾力。旅途少顏盡，明鏡勸仙食。出門路縱橫，張家路最直。昨夜夢見書，張家廳上壁。

客喜

客喜非實喜，客悲非實悲。百迴信到家，未當身一歸。味歸長嗟愁，嗟愁填中懷。開口吐愁聲，還却入耳來。常恐滴淚多，自損兩目輝。鬢邊雖有絲，不堪織寒衣。延壽里精舍寓居。

旅託避華館，荒樓遂愚慵。短庭無繁植，珍果春已濃。
側廬廢局樞，織冕時臥逢。身目乃鄜井，肺肝即巖峯。
汲泉飲酌餘，見我閑靜容。霜蹊猶舒英，寒蝶新來蹤。
準履與誰逐，一尋青瘦筇。

贈智朗禪師

上人分明見，玉兔潭底沒。上人光慘貌，古來恨峭發。
涕辭孔顏廟，笑訪禪寂室。步隨青山影，坐學白塔骨。
解聽無弄琴，不禮有身佛。欲問師何之，忽與我相別。
卒賦贈遠言，慙非子曰。

送沈秀才下第東歸

曲言惡者誰，悅耳如彈絲。直言好者誰，刺耳如長錐。
沈生才俊秀，心腸無邪欺。君子忌苟合，擇交如求師。
毀出嫉夫口，騰入禮部闈。下第子不恥，遺才人恥之。
東歸家堂遠，掉轡時參差。浙雲近吳見，汴柳接楚垂。
明年春光別，回首不復疑。

酬栖上人

夜久城館閑，情幽出在山。新月有微輝，朗空庭間。
塵世雖識機，伊余多掩關。松姿度臘見，籬藥知春還。

靜覽冰雪詞厚為酬贈頽東林有躑躅脫屣期共攀
冬月長安雨中見終南雪

秋節新已盡雨跡露山雪西峯稍覺明殘滴猶未絕
氣侵瀑布水凍著白雲穴今朝灑澆鴈何夕滿湘月
想彼石房人對雪扉不閉

賈浪仙長江集卷第一

賈浪仙長江集卷第二

寄孟協律

我有弔古泣不泣向路岐揮淚灑暮天滴着桂樹枝
別後冬節至離心北風吹坐孤雪扉夕泉落石橋時
不驚猛虎嘯難辱君子詞欲酬空覺老無以堪遠持
岩窈倚角牖王屋懸清思

和劉涵

京官始云滿野人依舊閑閉扉一畝居中有古風還
市井日已午幽窓夢南山喬木覆北齋有鳥鳴其間

前日遠嶽僧來時與開關新題驚我瘦窺鏡見醜顏
陶情昔清澹此意復誰攀

明月山懷獸狐崇魚珠

明月長在自明月長在心在心復在自何得稀去尋
試望明月人孟夏樹蔽岑想彼歎此懷樂喧忘幽林
鄉本北嶽外悔恨東夷深願縮地脉還豈待天恩臨
非不渴隱秀却嫌他事侵或云岳樓鐘來繞草堂吟
當從令尹後再往步柏林

投張太祝

風骨高更老何春初陽葩冷一二月下韻一一落海涯
有子不敢和一聽千嘆嗟身臥東北泥竟挂西南霞
手把一枝栗往輕覺程賒水天朔方色暖日蒿根花
達間幽栖山遣尋種菓家欲買雙瓊瑤慙無一木瓜

詠韓氏二子

千巖一尺璧八月十五夕清露墮桂花白鳥舞震碧

送別

丈夫未得意行々且低眉素琴彈復彈會有知音知
携新文詣張籍韓愈途中成

袖有新成詩，欲見張韓老。青竹未生翼，一步萬里道。
仰望青冥天，雲雪壓我腦。失却終南山，惆悵滿懷抱。
安得西北風，身願變蓬草地。祇聞此語，突出擊我。

上谷送客遊江湖

莫歎迢遞分何殊，咫尺別江樓。到夜登還見南臺月。

重酬姚少府

隙月斜枕旁，諷詠箕詒什。如今何時節，蟲虺已已蟄。
答遲禮涉傲，抱疾思加澀。僕本胡為者，銜肩貢客集。
茫然九州內，譬如一錐立。斯暗少此懷，自明曹漚泣。

量無趨勇士，誠欲戈矛戢。原閣期躋攀，潭舫偶俱入。
深齋竹木合，一作畢夕風雨急。俸利沐均分，價稱煩
嗟喻百篇見，刪羅一命嗟。未及滄浪思，將還知音激。
所習。

投孟郊

月中有孤芳，天下聆薰風。江南有高唱，海北初來通。
容飄清冷餘，自蘊襟抱中。止息乃流溢，推尋却冥蒙。
我如雪山子，渴彼倡句空。必竟獲所實，爾焉遂深衷。
錄之孤燈，猶恨百首終。一吟動狂機，萬疾辭頑躬。

生年面未交，永夕夢輒同。叙詰誰君師，詐言無吾宗。
余求履其跡，君曰可但攻。啜彼腸易飽，猗險神難從。
前歲曾入洛，差池阻從龍。萍家復從趙，雲思長縈嵩。
海□每可詣，長途追再窮。願傾肺腸事，盡入焦梧桐。

代邊將

持戈簇邊日，戰罷浮雲收。露草泣寒露，夜泉鳴隴頭。
三尺握中鐵，氣衝星斗牛。報國不拘貴，憤將平虜讎。
寄劉栖楚
趨走與偃臥，去就自殊分。當憇一重樹，上有萬里雲。

離披不相顧，鬢鬢類人羣。友生去更遠，來書絕如焚。
蟬吟我為聽，我歌蟬豈聞。歲暮儻旋歸，晤言桂氛氲。

寄丘儒

地近輕數見，地遠重一面。一面如何重，一重何寶片。
自經失歡笑，炎度騰霜霰。此心鎮懸々，天象因迴轉。
長安秋風高，子在東甸縣。儀形信寂蔑，風雨豈乖問。
憑入報消息，何易憑筆視。俱不盡我心，終須對君宴。

送陳商

古道長荊棘，新岐路交橫。君於某樣中，尋得古轍行。

足踏聖人路，貌端禪士形。我曾接夜談，似聽講一經。
聯翩曾數舉，昨登高第名。釜底絕烟火，曉行皇帝京。
上客遠府遊，主人須目明。青雲別青山，何日復河并。

送張校書季霞

從京去容州，馬在船上多。容州幾千里，直傍青天涯。
掌記試校書，未稱高詞華。義在不可屈，出家如入家。
城市七月初，熱與夏未差。餞君到野地，秋涼滿山坡。
南境異北候，風起無塵沙。秦吟宿楚澤，海酒落桂花。
暫醉即還醒，彼土生桂茶。

寄友人

同人半年別，一別寐來音。賴有別時文，相思時一吟。
我常倦投跡，君亦知此衿。筆硯且勿弃，蘇張曾陸沈。
但存舌在口，當冀身遂心。君看明月夜，松桂寒森森。

答王參

寸晷不相待，四時互如競。客思先覺秋，吳聲苦知暝。
霜松積舊翠，露月團如鏡。詩負屬景同，琴孤坐堂聽。
相期黃菊節，別約紅桃徑。每把式微篇，臨風一長詠。

延康吟

寄居延壽里為與延康鄰不受延康里愛此里中人
人非十年故人非九族親人有不朽語得之烟山春

戲贈友人

一日不作詩心源如廢井筆硯為轆轤吟詠作縻綆
朝來重汲引依舊得清冷書贈同懷人詞中多苦辛

寓興

真集道方至貌殊妒還多山泉入城池自然生潭波
今時出古言在衆翻為訛有琴含正韻知音者如何
一生足感激世顏忽差裝不得市井味思嚮吾巖阿

浮華豈我事日月足蹉跎曠我穎陽風千載無其他

懷鄭從志

西風吹陰雪雨雪半夜收忽憶天涯人起看斗與牛
故人別二年我意如百秋音信兩杳誰云昔綢繆
平明一封書寄向東北舟翩春歸鳥會自為匹儔
易州登興寺樓望郡北高峯

郡北最高峯巉巖絕雲路朝來上樓望稍覺得幽趣
朦朧碧烟裡羣嶺若相附何時一登陟萬物皆下顧
送鄭山人游江湖

南游衡嶽上東往天台裡足躡華峯頂目觀滄海水

就峯公宿

河出鳥宿後螢火白露中上人坐不倚共我論量空
殘月華曖曖遠水響玲瓏爾時無了夢茲宵方未窮

劉景陽東齋

松陰連竹影中有蕪苔井清風此地多白日空自永
景陽公幹孫幹孫詩得景勸我不須歸月出東齋靜
對菊

九日不出門十日見黃菊灼灼尚繁英美人無消息

送集文上人遊方

來從道陵井雙木溪邊會分首芳草時遠意青天外
此遊詣炎嶽萬華衡恆泰

題岸上人郡內閑居

靜向方寸求不居千嶂幽池開萬菖香門閉莓苔秋
金玉重四句靴糠輕九流鑪烟上喬木鐘磬下危樓
手種一株松貞心與師儔

游子

游子喜鄉遠非吾憶歸廬誰知奔他山自欲早旋車

朝賞暮已足圖歸願無餘當期附鵬翼未偶方躑躅

寄山中王參

我看嶽西雲君看嶽北月長懷燕城南相送十里別
別來千餘日日憶不歇遠寄一紙書數字論白髮

送汲鵬

淮南臥理後復逢君姓汲文彩非尋常志願期卓立
深江東泛舟夕陽眺原隰宴夜言詩會往來追不及

賈浪仙長江集卷第二

賈浪仙長江集卷第三

寄令狐相公

策杖馳山驛逢人問梓別長江那可到行客替生愁

哭栢巖禪師

苔覆石林新師曾占幾春寫留行迹影焚却坐禪身
塔院關松雪經房鎖隙塵自嫌雙淚下不是解空人

山中道士

頭髮梳千下休糧帶瘦容養鷓成犬鶴種子作高松
白石通宵煮寒泉盡日春不曾離隱處那得世人逢

就可公宿

十里尋幽寺，寒流數派分。雪夜坐鴈，向草堂聞
靜語。終燈燭餘生許，嶠雲猶未，多抱疾聲不達。明君

旅遊

此心非一事，書札若為傳。舊國別多日，故人無少年。
空巢霜葉落，踈水螢穿留。得林僧宿，中宵坐默然。

送鄒明府遊靈武

曾宰西畿縣，三年馬不肥。債多平劍，與官滿載書歸。
邊雪藏行徑，林風透臥衣。靈別聽曉角，客館未開扉。

題皇甫荀藍田廳

任官經一年，縣與玉峰連。竹籠拾山果，瓦甌擔石泉。
客歸秋雨後，印鎖暮鐘前。久別丹陽浦，時々夢釣船。

贈王將軍

宿衛爐煙近，除書墨未乾。馬曾金鏃，中身有審力，癡
父子同時捷。君王畫陣看，何當為外帥。白日出長安。

下第

下第只空囊，如何住帝鄉。杏園啼百舌，誰醜在花傍。
淚落故山遠，病來春草長。知音逢一作豈易孤，掉負

三湘

寄賀蘭朋吉

往々東林下花香似火焚故園從小別夜雨近秋聞
野菜連寒水枯株簇古墳泛舟同遠客尋寺入幽雲
斜日扉多掩荒田徑細分相思蟬幾處偶坐蝶成羣
會宿曾論道登高省議文苦吟遙可想邊葉向紛紛

憶吳處士

半夜長安雨燈前越客吟孤舟行一月萬水與千岑
鳴峽夏雲起汀洲芳草深何當折松葉拂石剡溪陰

哭孟郊

身歿聲名在多應萬古傳寡妻無子息破宅帶林泉
塚近登山道詩隨過海船故人相吊後斜日下寒天

送崔定

未知遊子意何不避炎蒸幾日到漢水新蟬鳴杜陵
秋江待得月夜語恨無僧巴峽吟過否連天十二層

寄白閣默公

已知歸白閣山遠晚晴看石室人心靜冰潭月影殘
微雲分片滅古木落薪乾後夜誰聞磬西峯絕頂寒

雨後宿劉司馬池上

籃溪秋漱玉，此地漲清澄。蘆葦聲兼雨，芰荷香遠燈。
岸頭秦古道，亭面漢荒陵。靜想泉根本，幽崖落幾層。

送朱可久歸越中

石頭城下，泊北固。暝鐘初打，鷺潮衝。起舟，憇月過虛。
吳山侵越，衆階柳入，唐踈日欲躬。調膳碎來何，府書

送田阜入華山

幽深足暮蟬，驚覺石林眠。瀑布五千仞，州堂瀑布邊。
壇松俯滴露，嶽月沈寥天。鶴過君須看，上頭聽有仙。

送董正字常列觀省

相逐一行，鴻何時出。積中江流，翻白浪。木葉落青楓。
輕碾浮吳國，繁霜下楚空。春來催侍阻，正字在東宮。

翦姚少府

梅樹與山木，俱應搖落初。柴門掩寒雨，蟲響出秋蔬。
枯槁彰情鏡，孱愚友道書。刊文非不朽，君子自相於。

送無可上人

圭峰霽色新，送此草堂人。塵尾同離寺，蛩鳴暫別親。
獨行潭底影，數息樹邊身。終有煙霞約，天台作近隣。

送李騎曹

歸騎雙旌遠，惟生此別中。蕭關多磧路，嘶馬背寒鴻。
朔色晴天北，河源落日東。賀蘭山頂草，時動卷帆風。

送烏行中石梁別業

涼一作琮

寒水長繩汲，丁冷數滴翻。州通石梁脉，硯帶海潮痕。
嶽色何曾遠，蟬聲尚未繁。勞思當此夕，苗稼在西原。

送覺興上人歸中條山兼謁河中李司空

又憶西嵩寺，秦原艸白時。山尋樵徑上，人到雪房遲。
暮磬潭泉凍，荒林野燒移。聞師新譯偈，說擬對旌麾。

寄無可上人

僻寺多高樹，涼天憶重遊。磬過溝水盡，月入草堂秋。
穴蟻苔痕靜，藏蟬柏葉稠。名山思徧往，早晚到嵩丘。

南池

蕭條微雨絕，荒岸抱清源。入舫山侵塞，分泉稻接村。
秋聲依樹色，月影在蒲根。淹泊方難遂，他宵開夢魂。

寄龍池寺貞空二上人

受請終南住，俱妨去石橋。林中秋信絕，峯頂夜禪遙。
寒草烟藏虎，高松月照鵬。霜天期到寺，一置即前朝。

送貞空二上人

林下中餐後，天涯欲去時。
衡陽過有伴，夢澤出應遲。
石磬踈寒韻，銅瓶結夜澌。
殷勤訝此別，且未定歸期。

送裴校書

拜官後，祕省署職在藩維。
多故長踈索，高秋遠別離。
天寒酒上醉，夜靜岳陽碁。
使府臨南海，帆飛到不遲。

昇道精舍南臺對月寄姚合

月向南臺見，秋霖洗滌餘。
出逢危葉落，靜益衆峰踈。
冷露尋時有，禪聰此夜虛。
相思聊帳望，潤氣編衣初。

即事

索漠對孤燈，陰雲積幾層。
自嗟鄰十上，誰肯待三徵。
心被通人見，文叨大匠稱。
悲秋秦塞草，懷古漢家陵。
城靜高崖□，漏多幽沼冰。
過聲沙鳥鷺，絕行石菴僧。
豈為一作奮廬在，誰言歸未曾。

黃子陂上韓吏部

石樓云一別，二十二三春。
相逐升堂者，幾為埋骨人。
涕流聞渡瘴，病起賀還秦。
曾是令勸道，非唯卹在速。
踈衣蕉縷細，爽味茗芽新。
鍾絕滴殘雨，螢多無近鄰。

溪潭承到數身位秩見辭頻若箇山招一作隱中秋忘任此身

天津橋南山中各題一句

野坐分苔石李益山行送菊叢韋執中雲衣惹不被諸葛

秋色望泉空仙

投李益

四十歸燕字千年外始吟已將書北嶽不用比南金才行古人齊生前品位低蔡時負賣馬遠日哭惟妻弔孟協律

孤塚北邙外空齋中嶽西集詩應萬首物象徧曾題

送人適越

高城滿夕陽何事欲霑裳遷客蓬蒿暮遊人道路長晴湖勝鏡碧寒柳似金黃若有相思夢殷勤載八行

送僧遊衡嶽

心知衡嶽路不怕去人稀船裡猶鳴磬溪頭自曝衣有家送小別無寺不言歸料得逢寒住當禪雪滿扉

送路

別我就蓬蒿日斜飛伯勞龍門流水急嵩嶽片雲高

歎命無知己，梳頭落白毛。
從軍當此去，風起廣陵濤。
洛陽道中寄弟

趨走迫流年，慙慙經此路。
偏寄雲埋室，積雪度三川。
生類梗萍泛，悲無金石堅。
翻鴻有歸翼，極目仰聯翩。

江亭晚望

浩渺浸雲根，烟嵐沒遠村。
鳥歸沙有跡，帆過浪無痕。
望水知柔性，看山欲倦魂。
縱情猶未已，迴馬欲黄昏。

送耿處士

一瓶離別酒，未盡即言行。
萬水千山路，孤舟幾月程。

川原秋色靜，蘆葦晚風鳴。
迢遞不歸客，人傳虛隱名。



賈浪仙長江集卷第三

